

MERKATARITZA INDIZEA AZALERA HANDIETAN ETA ELIKADURA KATE HANDIETAN. 2022KO ABENDUA


Euskal AEko azalera handietako eta elikadura-kate handietako salmentek % 1,8 egin dute behera, 2022ko abenduan

2022ko azaroarekin alderatuta, salmentek % 0,3 egin dute gora

Euskal AEko merkataritza-azalera handietako eta elikadura-kate handietako salmentek, 2022ko abenduan, % 1,8ko jaitsiera izan dute, aurreko urteko hil berarekin alderatuta, prezio finkoetan eta lan-egutegiko baldintza homogeenetan, Eustatek emandako datuen arabera.

Aurreko hilarekin alderatuta, urtaro-eragin egokiak kenduta, prezio finkoetako salmentek % 0,3 egin dute gora abenduan.

Euskal AEko azalera handi eta elikadura kate handietako merkataritzaren indizearen urte-arte aldakuntza-tasa. (%)



Iturria: Eustat. Merkataritza indizea azalera handietan eta elikadura kate handietan-AHEK

Elikagaigintzan, prezio finkoetako salmentek % 2,2 egin dute behera hilen arteko terminoetan, eta, gainerako produktuetan, berriz, % 4,9 egin dute gora, 2022ko azaroarekin alderatuta.

Urte arteko terminoetan, 2022ko abenduan, 2021eko abenduaren aldean, salmenten bilakaera ere prezio finkoetan negatiboa izan da elikagaigintzan (% 0,7 behera), eta,

gainerako produktuetan, salmentak aurreko urteko hil berean baino % 8,9 handiagoak izan dira.

Euskal AEko azalera handietako eta elikadura kate handietako merkataritzaren indizea. Urte arteko eta hilabete arteko aldakuntza-tasak (p). Abendua 2022

	Prezio finkoak		
	m / m-12	m / m-1	A (m) / A (m-12)
INDIZE OROKORRA lurralde historikoaren arabera			
Euskal AE	-1,8	0,3	-1,3
Araba/Álava	-5,9	-1,4	-3,4
Bizkaia	1,6	2,1	0,2
Gipuzkoa	-6,2	-2,2	-3,1
INDIZE OROKORRA sektorearen arabera			
Janariak	-7,0	-2,2	-4,8
Gainerako produktak	8,9	4,9	5,6
LANGILERIA-INDIZEA			
Euskal AE	4,1	-0,4	2,7

(p) Behinbehineko datuak

m / m-12 Urteko arteko aldakuntza. Egutegi eraginak zuzendutako datuak

m / m-1 Hilabeteen arteko aldakuntza. Datu desestacionalizatuak

A(m)/A(m-12) Urtarrietik hil korrientera arte metatutako aldiaren urte arteko aldakuntza-tasa, aurreko urteko aldi metatu beraren aldean

Data 2023ko Urtarrilaren 27a

Iturria: Eustat. Merkataritza indizea azalera handietan eta elikadura kate handietan (AHEK)

2022ko abenduan, merkataritza-azalera handietako eta elikadura-kate handietako salmentek atzera egin dute Gipuzkoako eta Arabako lurralde historikoetan, urteko terminoetan, % 6,2 eta % 5,9, hurrenez hurren. Bizkaian, berriz, salmentek % 1,6 egin dute gora, prezio finkoetan eta lan-egutegiko termino homogeneoetan.

2022ko azaroarekin alderatuta, alegia, hilen arteko terminoetan, salmentek, oraingoan ere, atzera egin dute Gipuzkoan eta Araban, % 2,2 eta % 1,4, hurrenez hurren, eta, Bizkaian, % 2,1 egin dute salmentek gora, urtaro-efektuak kenduta eta prezio finkoetan.

Euskal AEko merkataritza-azalera handietako eta elikadura-kate handietako landun kopuruak % 4,1 egin du gora, 2021eko abenduarekin alderatuta. Hilen arteko terminoetan, berriz, pertsonalaren indizeak % 0,4 egin du behera.

2022. URTEKO BALANTZEA

2022. urtean, merkataritza-azalera handietako eta elikadura-kate handietako salmenten indizearen atzerapena % 1,3koa izan da, 2021. urtearekin alderatuta. Beherakada hori elikagaien urteko salmenten % 4,8ko jaitsierak zehaztu du; izan ere, urteko salmentek % 5,6 egin dute gora gainerako produktuetan.

2022. urtean, salmenten urteko aldakuntza negatiboa izan da Araban eta Gipuzkoan, eta % 3,4ko eta % 3,1eko urteko jaitsierak izan dira, hurrenez hurren. Bizkaian, 2022. urteko salmentek, oro har, % 0,2 egin dute gora, 2021ekoekin alderatuta.

Sektoreko landunen indizean, azkenik, % 2,7ko urteko hazkuntza izan da.

INFORMAZIO-OHARRA

Urte arteko aldakuntzak kalkulatzeko, egutegi-eraginik gabeko serie zuzenduak erabiltzen dira, eta, hil arteko aldakuntzak kalkulatzeko, urtaro-eraginik gabeko serieak.

Eustatek eskerrak eman nahi dizkie azalera handietan eta elikadura-kate handietan merkataritza-indizea prestatzen elkarlanean jardun duten establezimendu guztiei. Haiei esker, hilabete honetako indizea % **100eko estaldurarekin** kalkulatu da.

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastian kalea, 1 01010 Vitoria-Gasteiz

Prentsa-zerbitzua: servicioprensa@eustat.eus Tel.: 945 01 75 62